



KO TE

KAHITI O NIU TIRENI.

I TAIA I RUNGA I TE MANA O TE KAWANATANGA.

PONEKE, MANE, AKATOPA 2, 1865.

Tenei ka timataia he Karere ki nga tangata Maori, a ka mahia tonutia, ka pera hoki me te Karere o te Kawanatanga ki nga Pakeha. Ka taia ano nga Panuitanga me nga Whakaaturanga a te Kawanatanga, rite tonu ki te tikanga o te Karere Pakeha; mehemea ra ka kitea he mea e tau ana hei painga mo te iwi Maori, he mea ranei e hiahia ana e ia, ahakoa he tikanga mo te tinana o te tangata, mo taua whenua ranei, mo ana taonga ranei. Ko nga kupu katoa a Te Kawanatanga ki nga iwi Maori, ka koreroatia nuitia atu ki roto ki tenei pukapuka, a kahore atu he ara mo te korero. Ko nga kupu o roto e haere atu ana i runga i te mana o te Kawana, o te Minita mo nga Maori ranei. Na me whakamana enei kupu me enei Panuitanga e nga tangata katoa, me whakarongo ano hoki.

Na WHITITERA, Minita mo nga Maori.

PANUITANGA.

UTU KOTAHI MANO PAUNA.

NOTEMEA i kohurutia kinotia tetahi Pirihimana ko Kereti te ingoa i te 21 o nga ra o Hepetema, na tetahi ope Hau Hau i kohuru, i a ia e kawe atu ana i te Panui a te Kawana mo te Rongo-mau ki nga Maori mau patu i muringa iho o te ratou poroakitanga ki a ia kia haere atu ki te mau atu i te Panui hei titiro iho ma ratou; a no te mea i runga i te kupu whakaatu ake a Kereti i tona hemonga i uru nga Maori kei raro nei o ratou ingoa ki te kohuru i a ia; kua pai a te Kawana kia whakaritea nga moni he KOTAHI MANO PAUNA kia hoatu hei utu mo te hopukanga mo te arahanga mai kia mahia ki ta te Ture o tetahi kia kotahi o nga tangata na ratou te

kohuru he KOTAHI RAU PAUNA hoki te utu mo te hopukanga mai o ia tangata o ia tangata o nga kai-kohuru ki muri iho o te mea mataati e hopukina mai ana.

Nga tangata Maori i whakaaturina mai e Kereti to ratou urunga ki taua kohuru, ko

HIMIONA TE WHAWATI, o Ngarauru ki Waitotara, no te hapu o Hare Tipene.

RAWIRI, he Maori no Taranaki he whanaunga ki a Ngatipourua ki Waitotara.

HAMI TUKIHATA, o Ngarauru, no te Hapu o Te Iwipirau.

Na Te Kawana i ki,

NA TE RITIMONA.